



AZKOITIKO UDALA  
AYUNTAMIENTO DE AZKOITIA

|                                         |                                   |
|-----------------------------------------|-----------------------------------|
| ESP.KODEA      2024SUBV0009<br>COD.EXP. |                                   |
| EXPEDIENTEA<br>EXPEDIENTE               | <b>DIRU-LAGUNTZA</b>              |
| TITULARRA<br>TITULAR                    | <b>AZKOITIKO PARROKIA CARITAS</b> |
| NAN<br>DNI                              | <b>R2000360D</b>                  |

**AZKOITIKO UDALAREN ETA AZKOITIKO PARROKIAREN ARTEKO  
HITZARMENA**

**BILDU DIRA**

Alde batetik, Sonia Vazquez Tejerina, Azkoitiko Udaleko alkatea eta P-2001800-H I.F.K. zenbakia duen Azkoitiko Udalaren izenean.

Bestetik, Felix Azurmendi Ayerbe (NAN 15.875.555-N), R200360D duen Azkoitiko Parrokiaren izenean eta haren ordezkaritzan, helbidea Inazio Iriarte (kantzela) 20720 Azkoitia duena.

Bi alderdiek elkarri aitortu diote hitzarmen hau izenpetzeko gaitasun osoa dutela, eta Azkoitiko Parrokiaren eta bere ordezkariaren kasuan, Administrazio Publikoarekin hitzarmenak izenpetzeko inolako bateraezintasun edo ezgaitasun arrazoietan sartuta ez daudela adierazi ondoren, agertutakoek honako hau

**ADIERAZI DUTE**

I.- Diru-laguntzei buruzko azaroaren 17ko 38/2003 Lege Orokorrak 22.2 artikuluan xedatzen du Toki Administrazioako aurrekontuetan aurreikusitako diru-laguntza izendunak zuzenean eman ahalko direla, betiere, diru-laguntza arautzen duen hitzarmenean eta diru-laguntzak arautzen dituen araudian jasotako baldintzetan.

Lege bereko 28. artikulua diru-laguntzak zuzenean emateko prozedura arautzen du, zehaztuz, hitzarmenak direla Toki Administrazioek aurreikusitako diru-laguntza izendunak bideratzeko ohiko tresnak. Hitzarmenek, legean xedatutakoa betez, aplikagarriak diren baldintzak eta konpromisoak jasoko dituzte.

Uztailaren 21eko 887/2006 Errege Dekretuko 65. artikulua araberako aurrekontuetan aurreikusitako diru-laguntza izendunak izango dira, xedea, aurrekontu-zuzkidura eta onuraduna aurrekontuaren gastuen egoera-orrian berariaz zehaztuta dituztenak. Gainera, diru-laguntza horiek emateko prozedura ofizioz hasi daiteke edo eskatuta eta diru-laguntza arautzeko oinarri izaera izango duen hitzarmenarekin amaituko da.

II.- Azkoitiko Parrokia irabazteko asmorik gabeko erakundea da eta bere IZFa R200360D eta egunean dago bere zerga betebeharretan. Horrez gain, Donostiako Elizbarrutiko Caritasen barruan kokatzen da (G-20057840) Azkoitiako Caritas eta azken hori Justizia Ministerioaren Erljio Entitateen Merkataritza Erregistroan inskribatuta dago, atal berezian, 327-SE/C zenbakiarekin.



AZKOITIKO UDALA  
AYUNTAMIENTO DE AZKOITIA

**III.-** Azkoitiko Parrokiak Azkoitian urte askotan zehar Azkoitiko giza beharren arloan lanean aritu dira irteerak aurkituz eta erantzunak emanez. Larrialdi egoera berezietan ere laguntza bideratu izan du. Hitzarmen konkretu honetan Valentzian 2024an gertatutako DANAK eragindako kalteei aurre egiteko laguntza.

**IV.-** Lankidetzat hitzarmen hau egiteko orduan, kontuan hartu da Azkoitiko Caritasek duen esperientzia horrelako gizarte larrialdi egoerak kudeatzeko.

**V.-** Diru-laguntza hau ematen da interes publiko eta sozialeko helburuak betetzeko. Zehazki, Valentzian 2024an gertatutako DANAK eragindako kalteei aurre egiteko laguntza emateko.

**VI.-** Hitzarmen hau sinatzen da Azkoitiko Udalaren eskumenen egikaritzan, hain zuzen, Euskadiko Toki Erakundeei buruzko apirilaren 7ko 2/2016 Legearen 17.13 artikulua xedatutakoaren arabera.

**VII.-** Hitzarmen honen helburua Azkoitiko Udaleko aurrekontuan (indarrean dagoena) aurreikusitako diru-laguntza erakunde onuradunaren alde bideratzea da eta erakunde onuradunak bere gain hartuko dituen baldintzak nahiz konpromisoak finkatzea.

Beraz, diru-laguntzen Lege Orokorrean eta aplikagarria den gainerako araudian ezarritakoa betez, bi aldeek hitzarmen hau izenpetzeko erabakia hartu dute, ondorengo baldintza edo xedapenen arabera:

**XEDAPENAK**

**LEHENA.-** Hitzarmen honen xedea da Azkoitiko Udalak 2024. ekitaldiko aurrekontuan aurreikusitako diru-laguntza Azkoitiko Parrokiari ematea eta emate horren baldintzak arautzea, Valentzian 2024an gertatutako DANAK eragindako kalteei aurre egiteko laguntza emateko.

**BIGARRENA.-** Azkoitiko Udalak, Azkoitiko Parrokiari **6.000 EUROKO** diru-laguntza emango dio laguntza bideratzeko 2024ko udal aurrekontuko partida honetatik: 4000.481.230.00.17.

**HIRUGARRENA.-** 2024ko abenduaren 31n amaituko da diru-laguntza erabiltzeko epea.

Aldiz, diru-laguntza emateko helburua bete duela zurriz eta jasotako diru-laguntza zertan erabili den justifikatzeko epea 2024ko otsailaren 28an amaituko da. **Gastua justifikatzeko eskatuko da dirua bidali izanaren justifikazio agiria.**

**LAUGARRENA.-** Hitzarmen hau izenpetzen duenak aitortzen du argibide guztiak eman zaizkiola berak eman dituen datuak izaera pertsonaleko datuen eta babes digitaleko 3/2018 lege organikoak ezarritako moduan eskuratzeko, zuzentzeko edo ezabatzeke aukeraren inguruan.



AZKOITIKO UDALA  
AYUNTAMIENTO DE AZKOITIA

Hitzarmen honetan aurreikusita ez dagoen guztian, betetzekoak izango dira Estatuak diru-laguntzetarako 2003ko azaroan 17an eman zuen 38/2003 Lege Orokorra, eta uztailaren 21eko 887/2006 Errege Dekretuaren bidez onartu zen Diru-laguntzei buruzko Erregelamendu Orokorra eta kasuari aplikagarria den gainontzeko araudia.

**BOSTGARRENA.-** Administrazioko auzitegiatarako jurisdikzioaren menpe geratuko dira hitzarmen honetatik sortzen diren auziak. Nolanahi ere, bitartekaritza edo arbitrajez konpondu daitezke, indarrean dagoen legedian zehaztutakoarekin bat etorritz.

Hitzarmen honetako klausulak ez betetzea haren deuseztapena ekar lezake eta elkarteak diru-laguntza kontura jasotakoa itzultzera behartuta egongo da, laugarren klausulan zehaztutako eran.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, bi aldeek hirukoiztuta sinatzen dute.

Gizarte Ongizate Saila  
Sonia Vazquez Tejerina  
Zinegotzia

Azkoitiko Parrokiako ordezkaria  
Felix Azurmendi Ayerbe